

明

詩

紀

事

明詩紀事

貴陽陳田輯

己籤

王世懋十二首

世懋字敬美太倉州人尙書世貞弟嘉靖己未進士除南禮部主事遷尚寶寺丞出爲江西參議遷陝西副使改福建遷南太常少卿有奏常集六十九卷

藝苑卮言吾弟世懋自家難服除後一操觚遂爾靈異神造之句憑陵作者雖未爲古樂府耳其它皆具體而微吾偶遺信問于鱗漫及之日家弟軼塵而奔咄咄來逼人賴其好飲稍自寬耳于鱗亦云敬美視助甫輩自先驅視元美雁行也嘗取謝句花萼豐鳴標君家兄弟不然耶又一書云敬美乃負包亨含吳之志稱天下事未可量耽耽欲作江南一小英雄尋將火攻伯仁奈何不善備之也其見賞如此

詩鼓敬美古詩歌行勁逸過爽宗吳李謝方之及如

以配哲昆誠無愧色五言律旨趣時屬右丞七言律

以清空簡遠出之詞直而意婉語淡而致濃

馮元成選集王次公之詩闕中集尤佳

閩書汀州南山隈有露窟巖宋元祐間白晝迅雷一聲劃開巖洞中有丹竈丹井其旁一石名烏鼻石明相與飲酒賦詩此中傳爲桂蹟王世懋詩云選地偏

芙蓉出化城

明詩選李紓章云奉常詩如鳥衣羣少粗有風格不足對揚父兄

列朝詩集敬美論本朝之詩獨推徐昌穀高子業二家以爲更千年李何尚有廢興徐高必無絕響其微詞諷寄雅不欲率厯下墮坫則其於大美亦可知

也
靜志居詩話敬美才雖不逮喆昆習氣猶未陷潮流按敬美早年呈子麟詩云玉生落落天地間自言得御李君還從他百道吳門色我自銜懷望泰山又讀元美于麟詩云余朝夕珠玉在太白右仲宣把卷沈既浸入心脾故其所作不離二君真曰晚作藝圃始云海內爲詩者爭事剽竊于麟紛紛刻鷺主

使人厭又有李何尙有廢興徐高必無絕響之論可謂妙悟惜其才非殊絕不足以副其言

同俞仲蔚家兄元美登馬鞍山飲

陽鳥下山岑曠曠川上沒沙崩石岸出雨積松徑滑疏林時
映帶遠塔乍明滅興盡宵中還春燈亂明月

夜泊芙蓉湖翫月效韋體

今宵仲冬月忽發滄洲興進艇延素光開檣坐清鏡霜含煙
樹遠塔挂寒山靜何處洞簫聲魚龍夜深聽

題沈啟南春山欲雨圖

春光噴薄橫塘渡峩峨吳山不知數誰將片黑著峯頭吹作
氤氳萬山暮擁樹猶疑隔嶺煙飛花忽斷前溪路胥口行人
畏若濡朧頭新夢思如澍此時元氣何淋漓欲雨不雨天爲

疑兩儀坐失玄黃色萬壑爭流蒼翠樓臺虛入蛟蜃散屏
嶂倒列芙蓉垂不知雨後更何態最好春山是此時何人此
意成真賞百年盤礴其人往陽春煙景留尺素眞宰蒼茫墮
雙掌鞭龍驅石事有無胡然令我心神爽鉛華刊盡但墨汁
出匣看雲把猶溼雨師作使不得休山鬼蘿深夜中泣眉黛
含纈鎖不開更如神女怨陽臺莫愁筆底風流盡春半吳江
棹裡來

弇州山人稿石出畫卷無過春山欲雨圖其源出自
然而加以秀潤不作驚風怒霆勃怒戰掣之狀而元
氣在舍吐閒峯巒出沒草樹渝鬱頽然若玉環醉西
涼葡萄後將賜溫泉沐者卷距今垂百年每一展覽
覺風格若生墨瀋猶溼真神品也夏日九宜堂與沈
山人嘉則舍弟敬美曹甥于念相約爲此歌雖咄咄
賞新語猶自後塵

秋日虎邱同家兄過松墟上人房

叢林日初午飯罷行禪闌問道欲無語逢人殊更閒支頤渴
花雨趺坐空秋山回首向來地雲深不可攀

沈道士館訪張山人李時養李是國手

停駕飯深院竟日對薜蘿傲吏玄心近山人幽事多松風煮
茗入梅雨聽棋過東帶愁歸路高眠奈爾何

贈吳山人孺子

湖海蓬吳季孤遊復苦吟身從一瓢老情到五言深天地無
家闊煙霞有盡復翻應笑禽向嫁娶一關心

山陵事畢還宿新井庵作

不道上陵美更堪歸路聞行行近新月步步惜蒼山得枕元

無住攤書欲未還何如歸戍外秋色卧禪關

贈清上人

綻衲欲何適泠然秋色中慧根僧臘少綺障道言空山墮吟
邊月松來定後風可知王逸少名理讓支公

秋懷

水國縱橫蜃氣驕江湖極目莽蕭蕭常平未下司農策征榷
仍聞使者韶是處軍儲空戰伐轉令吾計屬漁樵平生意興
乘秋盡獨立蒼茫咏大招

飲惠山秦氏園

卜築誰令勝地專錦屏滑鏡落樽前垣廩借綠時時竹石沼
分甘處處泉欲語花枝當客醉半晴山色奈人憐亦知邱壑

原吾分記取乘春更酒船

需次都下得家兄楚中間并貺新詩奉答

粉署除書頗訏遲武昌魚素正相思里中白雪應稀和臺上
黃金轉自疑莫學楚人深怨別但逢燕市易成悲故園花萼
秋如許苦向人間寄一枝

進忠姪相遇維亭便挽舟從飲明將有秣陵之行卽贈
秣陵在何許能作幾時別猶自惜離羣維舟遲明月

送吳山人

山人徐汝甯子與客也嘗遊邵武太守明卿館之茲復適閩

落魄吳郎雅好奇挂帆南下採江蘿樵陽太守能供具兩歲
看山到武夷

高岱

十六首

岱字伯宗京山人嘉靖庚戌進士除刑部主事出爲

景府長史有西曹集九卷

李先芳東岱山房稿伯宗論古詩取法漢魏近體型範盛唐十二子李杜之外不消目中眼風雅之門

膚矣胡直衡盧精含藏橐詩不專瓊壯瀆在神韻伯宗詩

豈所謂氣骨神韻兼而擅之者歟明詩選陳卧子曰伯宗詩沈鍊

列朝詩集伯宗初與李宗伯結社長安進王元美於

社中及于鱗諸人鵠起而伯宗左遷去遂不與七子

之列伯宗詩體畧與伯承相似而時多矜厲之語開

七子之前茅于鱗詩刪錄伯宗詩甚富蓋亦追其筆

路藍縷之勘歎元度楚風補董傳策張翀吳時來疏嚴嵩父子不

法狀嵩怒將實重典伯宗時爲刑部郎請大司寇鄒

瞻輕之獄上成邊伯宗復爲資裝微服送之嵩父子不

能銜之諷銓曹出爲景王長史伯宗多論著有鴻猷錄

田按伯宗擬古寄於步武其自運諸作豪情逸韻在

當時楚人中較吳明卿魏順甫似爲過之

短歌行

春日載陽有酒盈觴與子斟酌娛此景光瞻彼庭柯對酒高
歌歲月云邇來日幾何灌木蒼蒼垂蔭蔽野戴勝飛鳴晨夕
其下邈邈孤雲中天子飛飄風南來逝將疇依河水無梁涉
之孔艱沈吟自念憂不可殢豈無嘉賓適不我顧安得謳語
寫此衷憮翩翩倦鳥返於故林感此踟蹰悠悠我心我心孔
悲誰慰我思西山之薇可以療餓

聞胡羅鄒吳四子遊西山予以病不同作此奉簡

聞君入名山信宿尋蘭若結伴俱清狂被服亦容雅諸天聞
妙香羣木清長夏琴書蘿月侵衣帶松風灑流泉邊枕席山
雲落杯筯頓令五蘊空更覺萬塵捨我亦靜者流性復喜在

野抱病獨栖遲勝緣不暫假何時償夙負永結山中社

送蔡若虛赴蘭谿令

寒蟬初鳴芳草歇把酒送君向東越青袍白馬去翩翩雙旌
曉度燕山月嗟君早擅三楚雄竭來獻賦長楊宮仗劍不辭
臨遠道意氣直欲凌秋鴻江南此日多風煙樓船橫海俱茫然
轉輪動地催科速蓬蒿半長逃亡屋璽書拜君君勿輕內資
保障外干城江湖吳越曾爭霸何事年年遠募兵丈夫立功
當立奇碌碌簿領非男兒謝玄不遇淮淝寇空作東山一布衣

懷李師孟杭州榷稅

寂寞憐同調天南一水遙夜寒江闊雨秋色海門潮杪歲暘

堪斷停雲首重翹還朝定何日莫惜寄瓊瑤

秋日閒居

披帙時欹枕焚蘭晝掩關秋聲懸樹杪雨色淨苔斑病以愁
仍劇宦因拙更閒篋中多舊草取次避人刪

餞別于韶子相分韻席間作

對酒那能醉憐君萬里行情牽巫峽迴夢入武夷清世難愁
俱切悲歌氣未平千金腰下劍解贈莫相輕

送吳明卿再謫睢陽

謫去君何恨栖遲今古同名從遷客重賦以遠遊工駿骨傾
燕市蛾眉出漢宮黃金臺畔柳折贈意無窮

招李伯承夜過

山東李生久不見
篋裡新詩應更多
四海論交憐骯髒
百年搔首共蹉跎
端居無那愁心切
不飲其如白髮何
今夜月明天似水
可能騎馬一來過

魏順甫行汪子正叔飲餞御溝之西予以病不能赴補
作

有客移尊入翠微
紅塵車馬隔林扉
鳴琴一曲作流水
嚦鳥數聲留夕暉
高會獨憐違枕故
人無那繫征衣
西山滿眼秋雲白
愁見天南一雁飛

送方兆行虞衡赴盧龍別署

東去盧龍塞草青
匆匆立馬暫岐亭
河山並入吟邊麗
草樹空餘戰後腥
萬里胡天悲暮角
百年宦迹感流萍
憑君爲問

邊城將可汗何時繫漢庭

春日署中卽事

吏散鴉覬戶不扃淡煙疏霧晝冥冥春深藤蔓侵書幌官冷
苔痕滿訟庭客聲祇從愁裏白故山時向夢中青花陰柳陌
家家醉盡倚東風笑獨醒

燈蛾

物性固有癖附炎豈我情甯投明處死不向暗中生

鷓

狐兔縱橫久高原獵火屯霜寒秋草白莫負主人恩

省中幽興

蔬盤茗椀飯胡麻簿領全稀早散衙滿地白雲雙鶴舞更從

何處覓仙家

子夜春歌

燕語鶯囀春色殘重門深掩碧闌干落花滿地無人埽腸斷
東風不忍看

月夜別宗子相

扁舟南下廣陵湖海樹江雲入望遙清夜百花洲上月一尊
何日共吹簫

題扇

青山茅屋寄閒身岸柳汀花色色新一葉扁舟橫野水西風
愁殺渡頭人

高啓二首

啓字叔崇岱弟嘉靖丙辰進士官兵部郎中有叔崇

遺稿

出塞

塵色暗遼陽
征夫恩自傷
當樓織機婦
應爲理衣裳
夢逐鄉關遠
心隨別路長
封侯須及早
莫遣怨紅粧

郊居卽事

採藥春山獨往抱琴幽徑閒來歸去未妨遲暮柴門月照蒼

苔

李葵

十二首

葵字于田內鄉人嘉靖癸丑進士選庶吉士除檢討
改南禮部郎中出爲副使有太史集六卷

四庫總目六李集明內鄉李氏六人之詩也凡李宗木杏山集八卷李袞太史集六卷李陵比部集九卷李雲鵠侍御集四卷李雲雁白羽集二卷李雲鴻秋羽集五卷中惟李袞最知名其詩原出何景明故諸李之詩大抵安雅有法而頗乏深警之思則才分之不

逮也

列朝詩集本朝以博學聞者莫過於楊用修汝南陳耀文招拾用修之謬誤作正楊以駁之于田多藏好學與耀文相埒著于瑛注筆諸書援據該博其持論多告毀道學譏評氣節而詆譖新建太過言多失實

論篤者弗與也王士禛香祖筆記李于田撰宋萩園集二十二卷時

在隆慶初元海內尊尚李王之派諱言宋詩而于田

獨開闢抉異撰爲此書其學識有過人者

靜志居詩話于田博洽中州人以擬楊用修而歸田之後縱情聲伎放誕不羈女優登場至雜伶人中持板按拍主人知而延之上坐恬然不爲怪及去借主人櫺上馬揀女優連騎而去此其狂態更甚於用修矣詩亦少深思絕句頗強人意

出京宿報恩寺同龔美

去望君門萬里遙。舊遊方丈話中宵。
世途多妬堪銷骨，更道無媒空折腰。
院靜香燈風楫楫，春寒松柏雨蕭蕭。
明朝飄轉知何處，夜夢楚江江上橈。

題畫

春水流何遠，春雲燬故饒。
柳邊雙燕子，時觸最長條。

嘉靖宮詞

厯厯金吾樹，影繁瑤壇鐸。
鼓動黃昏迎和門，外燈如畫內直
諸臣夜拜恩。

沈水龍涎徹，夜焚桂宮芝。
館結祥雲壇前纔布諸天位，苑外

先催學士文

玉貌終年侍禁闈，每逢時節賜金紺。
君王不愛纖腰舞，裁作

雷壇拜斗衣

洪鷹之殿有壇有城有廳雷軒有龍風虛雲雨輝電之宅有清一齋有寶淵門有靈安精靜輔國演妙之室有八聖居有馭仙次各懸以額又別建旌道雷軒帝晝日常御之

小車飛曳向玄都
殿翠羽金翫笑自扶玉棟橋邊長日古內
璫爭買大秦珠

泥金檢玉祝長生萬國封章止進呈月滿西宮更漏永九重
風落步虛聲

霞帔星冠赤錦條玉熙宮裏薦仙桃天王親捧瑤函拜五色
龍光生袞袍

世廟識餘錄上夜坐庭中御幄忽獲一桃左右或見桃從空中墮上大喜曰天賜也修迎恩蘸五日明日

復有一桃降

考鼓吹笙送上清醮壇將罷日初生太平元老偏承寵召聽
鈞天廣樂聲

十五宮娥鬢髮青霓裳初著性偏靈百花叢裏春風靜學誦
玄門諸品經

望嘯臺

飄零湖海笑浮萍一宿雲房尙未能春水泠泠秋樹冷斜陽
影裏弔孫登

戲題

一自封書別建章荷衣常惹蕊珠香遙人白眼唱歌去笑入
西陂秋水長

李蔭 一首

蔭字襲美，裴弟。嘉靖甲午舉人，授陽穀知縣，改宛平。

遷刑部主事，有比部集。

句云：「雙鬢漸於騎，旅白一樽還對假山青。」
玉笥詩談：李襲美所著有《李陽穀詩集》，隱軒詩話有
劉侗帝京景物略：古墨齋在宛平縣署，萬曆初內鄉
李公蔭令宛平發地得柱礎六徵，有字迹，洗視之唐
李北海雲麾將軍碑也，碑存百八十餘字，碑首存唐
故雲三字，公因篆小皇御碑壁間曰：古墨齋吁吟李
言恭有詩紀事云：蒼蠅史籍不可起，蝴蝶烏迹今已
矣。書苑千載簿鈺王乃有北海接其歟！秀勁首推雲
庭碑，當年落筆風雨隨，何人擊斷成柱礎，神物終爲
造化私。嚴歲委置荆榛裏，瓦砾冰霜竟誰視，數字摸
糊苔蘚封雙塙，勘缺斤斧毀吾黨。古有李侯忽焉
侯邀如珊瑚，一朝置向高齋壁。拂拭光芒動斗牛，李
屈於不知名，仲知已。

歷下弔李滄溟先生

絕代驕人土一邱大招何處下靈修蛟龍夜護滄溟穴
風雨秋生白雪樓美玉獨增和氏泣遺文應有茂陵求隴雲不鎖
東門道暗華山高起暮愁

張鳳翼二首

鳳翼字伯起長洲人嘉靖甲子舉人有處實堂集八
卷

四庫總目鳳翼才氣亞於其弟獻翼故不似獻翼之狂
誕而詞采亦復少遜
靜志居詩話伯起好填詞梨園子弟多演之然俗筆
耳其弟叔貽詩亦庸庸惟幼子小有才然亦頹惰自
放而吳人之謬比於四皇甫論其工批判若雲淵矣

寄自江右相尋爲我鼓琴

故人千里月濁酒百年心從我張銀燭勞君鳴素琴風塵俱

落魄山水獨知音未落傷時昔寒霜滿鬢深

戲王妹禮大茅峯

獨尋仙嶠間三生一縷心香豈世情試展霓裳供法曲應教
姑熊董雙成

張獻翼

二首

獻翼字幼于更名枚鳳翼弟國子監生有文起堂集
十卷

弇州山人續稿幼于五七言近體皆佳而七言尤自
錚錚態度部雅音微清機時造真境七言古絕似高
岑而間有費力處押仄韻少嫌吳音白壁之小瑕也
列朝詩集幼于與皇甫子循暨黃姬水徐緯刻意爲
歌詩於是三張之名獨幼于精甚好易十年中箋注
凡三易倣顏氏家訓教戒子弟垂四萬言好遊大人
狎聲伎以通隱自擬築室石湖鴨中祀何點兄弟以
況焉晚年與王百穀爭名不能勝頽然自放與所厚

善者張生孝資相與點簡故繕刺取古人越禮任誕
之事排日分類倣而行之或紫衣挾伎或徒跣行乞
遨遊於通邑大都兩人自爲儔侶或歌或哭幼于贈
之詩曰十年分義深相見心莫逆還往不送迎抗手
不相揖荷鉢隨吾行操觚並吾乞中路愧吾寡攜伎
登吾席萬里聲漸高薤露歌甫畢子無我少雙我無
君罕匹每念故人及亡伎輒爲位置酒向空酬酢孝
資生日乞生祭于幼于孝資爲尸幼于率子弟奠麻
環哭上食設奠孝資坐而饗之翌日行卒哭禮設伎
樂哭罷痛飲謂之收淚自是率以爲常萬曆甲辰年
七十餘攜伎居荒圃中盜踰垣殺之

五言五句傷春

薄暮動絃歌桂櫟泛中河破鏡不重照落花難上柯春盡欲
如何

春闌病起和黃得之先生

佳氣抱房櫳年華自不窮山將眉合翠花傍鏡飛紅曉色蹉

衣上春愁燕壘中猶憐芳樹下無力倚東風

七夕同趙今燕賦

翠帳紅妝送客亭佳人眉黛遠山青試從天上看河漢今夜應無織女星

本事詩今燕名彩姬與馬湘蘭同時幼子賦此詩一時傳之由是今燕名重北里

張燕翼

一首

燕翼字叔貽獻翼弟嘉靖甲子舉人

皇甫司勳席送徵君還山

開館招詞客聊杯對夕暉別筵秋氣入蕭寺故人稀細雨飛歌扇涼風動舞衣獨憐微黃後惆悵欲言歸

蘇濂

一首

濂字子川漢州人尙書祐子以蔭除鴻臚署丞厯南

光祿署正出爲鞏昌通判有伯子集十三卷

海嶽靈秀集鴻石詩俊雅宏壯視厥弟爲亢

雜詩

龍且輕韓信劉歆陋揚雄貴耳古已然吠聲今成風祖褐讀
古書志士甘固窮疇能察其端延譽諸王公是非久乃定嗟
哉彼狡童

蘇澨

一首

澹字子沖濂弟嘉靖乙酉舉人有仲子集七卷

背面美人

抱得琵琶下玉除湖山背立溜犀梳傍人欲見春風面但道

蕭郎有寄書

卷之三

三

明詩紀事

貴陽陳田輯

曰錄

瞿景滬

〔首〕

景滬字師道常熟人嘉靖甲辰第二人及第授翰林編修歷侍讀左諭德侍讀學士掌院事改太常卿領南祭酒就遷吏部侍郎召拜禮部侍郎贈尚書謚文懿有文懿集二十一卷

秋懷

芳桂苦不實崇蘭無久榮寒蛩會我意唧唧階前鳴哀哉貪鄙徒忘身殉利名高臺忽以圮曲池突以平吾今且休卧追

朱曰藩

十五首

曰藩字子价賣廳人參政應登子嘉靖甲辰進士除
烏程知縣徵授南刑部主事改兵部再改禮部厯員
外郎中出爲九江知府有山帶閣集三十卷

四庫總目曰藩詩穠麗得楊慎之一體
山帶閣集序揚升菴云射陂子取材文選樂府而憲
章於六朝初唐不事蹈襲不煩繩削可以鳴世
藝苑卮言朱子价如高坐道人衲衣跣屨忽發胡語
四友齋叢說朱射陂七言律學溫李者可稍入律
明詩選陳臥子曰子价跌宕便辟未損風雅
列朝詩集子价詩風華映帶輕俊自賞嘉靖戊午已
未間子价在南主客何元朗在翰林金在衡陳九泉
黃淳甫張幼于皆僑寓金陵留都人士金子坤盛仲
交之徒相與選勝徵歌命觴染翰詞藻流傳蔚然盛
事

田按子价父升之羽翼李何子价則步趨楊升庵子

价有人曰草堂詩引云升庵先生在江陽以畫像寄
我白下揭於寓齋日久虔奉如在而丈嘉靖己未人
子姬水郭子第秩陵盛子時泰顧子應祥相約過余
觴之齋中齊南禡先生像在壁間諸君不肯背之坐
各東西席如侍側之禮比邱圓瀾器中冷泉見餉覓
得陽羨貢茶一角烹泉爲供以宣厥注之焚沈水香
於爐作禮畢就坐各噴噴歎曰幸甚今日乃得親升庵
菴先生文子曰今日之會奇矣予當作人日草堂圖
以寄先生予欣然拊掌因歌人日題詩寄草堂遙憐
故人思故鄉之句作八闋散諸君請各賦一篇并寄
先生見吾輩萬里馳仰之懷予乃爲之引子价詩
開歲苦陰陰花枝入夜新眾星欣有月七日况蓬人云
水晶中冷最香燒南海純形相似滿意絲筆獨生春
黃滔甫詩云一勺名泉手自調石蓮香燭夜遙遙天閣
生宿寐虛雙醒萬里容輝挹片納學海競誇天閣
春心欲託帝巫招芳樽潦倒郎官舍江芷皋蘭雨
消郭次甫詩云先朝金馬重文章三十餘年適瘴
共美史遷紬玉室誰憐傅老瀟湘披圖月就金
墮飛夢雲牽玉壘長方外遊蹤元不繁欲將瓢
江陽盛仲交詩云人日寒多雨意低冶城春色初
齊梅開東閣斜穿檐潮遇西洲亂入溪天未半春人
丰神勞條問陵鄉未祕半春人云

夢寐壁間邱壑有詩題碧雲回首人千里巴水東流
緩夜嘯金子坤詩云人日梅花自可憐折來誰爲寄
西川入行欲附銅魚使四海爭譜白雲篇滇水山川
增氣色錦江花柳隔風煙何時一棹穿巫峽得就揚
雄問太玄子价詩如烏衣子弟風流自賞自是才人
標致

露筋祠

水殿不生塵荷花作四鄰乞靈巫嫗醉失歲野吐貧行兩畧
班賦分風又送人前林霜月白千古見清貞

將入雲中作

只尺分胡地崎嶇出漢關敢云杖馬箒聊得視刀鎌蘆捲邊
聲苦楓經戰血殷今宵看太白一上乾干山

贈一谷參省之廣東

二首

牛首南郊寺梅花西塞泉柏林同繫馬香閣互談禪城闊空

多事江山自往年相思一收睫到處是謗天

揚越東南盡朝臺一振衣天晴諸島出秋燠緒風微銅柱馬人集冰絲鮫女機尊前荔子色偏映使君紺

臨春曲

閣上張星舊在天閣中璧月夜仍圓雲欹宿鬢初臨鏡風研乾紅未襞箋兩臂舞釵金阿那一聲歌樹玉嬋娟碧玉萬歲歡無極肯信江花易夕煙

至北舍作

廬舍疆場步步新誰披平地出荆榛旋呼斗酒會鄰曲便揖雙墩諭主賓井稅未輸須晚稼魚陂盡展入寒蘋洛陽一頃元知足季子何心復怨秦

樓居值雨

高閣凝香晝寂寥秋陰不散氣蕭蕭海田已沒綠草蕩淮雨
猶添白馬湖望裏三山那可往愁邊雙樹暫相饒孟公酒興
年來劇誰把鴟夷一見招

秋闌怨

合歡樹上鳥欲棲空房織錦賣家妻遙遙夜夜誰能奈三三
五五並相攜鏡花對影慚雙笑燭淚分行伴獨嘵莫道回文
能妙絕陽臺雲雨隔安西

邵伯道中

去日流火來肅霜蒹葭大澤鳴鶴鶩龍已卧忽人立遠山
將盡如眉長古寺斷碑羅尹偶碧灣丹樹謝公棠船樓北望

風煙直好共乘春早雁翔

九日高座寺同少峯兩江二長卿納言石川張公憲使

仲山王公餘峯張公作

省中疏雨點朝陽退食邀賓石子岡高座道人元卓朗過江
諸老每相羊荒臺不見茱萸女清梵猶傳孔雀王薄暮海氛
銷欲盡爲君更盡萬年觴

贈卞虛樓之任廣省

越王臺上海氣收荔子椒花媚遠洲廣府人傳五羊舊卞家
君是六龍優到官先入紅蓮幕按縣應尋碧玉樓二十七峯
秋色裏相思寄我小羅浮

贈吳之山時之山將遊南滁

京兆詩雄吳長公
烏巾白帽古人風
有時恚怒發座上
獨出歌謳行道中
謂我淮陽粗獷管
與君江海共飄蓬
環滁酒熟濠魚美
豐樂亭前禮醉翁

雲中樂

塞門楊柳未經霜
錦帕貂裘馬上裝
帶得相思出關去
銀釵嶺上斷人腸

滇南七夕歌

二首

予少日遊滇南見其土風每歲七夕前半月人家女
兒年十二三以上者各分曹相聚以香花水果爲供
連臂踏歌乞巧于天孫詞甚哀婉暇日因採其意爲

滇南七夕歌

高倚銀河搭綵樓女郎三五對拋毬拋罷繡毬無氣力鸚哥
花外月如鉤

一宵爭抵一年長猶度金鍼到繡牀天下真成長會合昆明
池上兩鴛鴦

徐學詩

一首

學詩字以言上虞人嘉靖甲辰進士授刑部主事歷
員外郎中以劾嚴嵩被杖削籍爲民隆慶初起南通
政參議贈大理少卿有石龍菴集四卷

田按以言劾相嵩被杖削籍爲民例須向禮部除名
戶部注籍日暮負創疾馳出都知交無從者俄聞有
策蹇蹇吟去國一身輕似葉高名千古重如山者乃
謝茂秦也茂蔡豪氣可以挽末世流薄之風

薊北秋懷

搖落層臺上蒼涼四望孤暮雲低斷蟲秋色淡平蕪向夕羊
牛下迎風鶴雀呼歲華看又晚壯志惜長途

邱秉文

一首

秉文字鳴周莆田人嘉靖甲辰進士除永嘉知縣徵
授刑部主事遷光祿寺丞有州峯集

懷方君敬員外

爾從扶侍下荆門明月千山響夜援秋盡蒼梧悲帝子春來
芳草怨王孫座中北海客常滿牀上南華帙幾翻司馬賦今
消渴甚誰憐詞賦滯文園

魏文煥

一首

文煥字德章侯官人嘉靖甲辰進士累官廣西按察

使有石室祕鈔五卷

匡廬天池寺眺望

鴻造肇名山巨靈運神擘勢接南斗懸影落明湖碧聯綿控
九疑沿洄瞰七澤緬邈洪崖子鍊精留窟宅中有青蓮池神
髓流丹液我昔夢遊之茲焉恣所適深巖半銜日烏道斷行
迹雙劍倚蒼穹飛瀑灑青壁黛色靜林巒煙容變朝夕泠泠
松壑鳴杳杳人寰隔元覽懷遠公勝事謝往昔凌晨別松闢
回首片雲白

趙武

二首

武字鼎卿桐城人嘉靖甲辰進士除刑科給事中進
吏科都給事中遷南太僕少卿以僉都御史巡撫貴

州有無間堂稿十七卷

四庫總目錄學出姚江主良知之說文廟磊落自舊亦
微近七子之派

瑤琊寺

乘興山行六七里蔚然深秀是瑤琊遊泉百道常疑雨芳樹
千林不辨花白首何緣來洞壑青山更喜入官衙酒酣遍歷
磨陀嶺東晉樓臺隔暮霞

題秋亭畫

亭皋木葉黃露滴瑤階溼坐待月華生捲簾放秋入

李萬實

三首

萬實字少虛南豐人嘉靖甲辰進士授行人進刑科
給事中改南出爲廣東僉事遷浙江副使有崇質堂

集二十卷

四庫總目萬寶傳姚江之說其文體平正不事鍾鏘猶
講學家之格詩頗學韋柳意取清妍雖風骨未就而
姿致可觀

田按少虛詩有蕭爽之氣明人講學者有此一派

麻姑山

麻姑之山高嶺巒瓊瑤壇瓊宇摩青霄峰頭冉冉駐鶴駕花外
時時聞鳳簫石函素檢霧長謾井沿金丹氣未消羽翰信能
遺世網鹿門端合赴佳招

宿軍峯最高處

倒盡松瓢卧石壇滿天星斗醉中看覺來一枕碧山夢落月
滿身風露寒

宿建昌縣隆道觀

黃雲古木山中臺洞門端爲山人開夜誦藥珠三百過一雙
白鶴過江來

陳全之

一首

全之字粹仲閩人嘉靖甲辰進士累官山西參政有
夢宣山人集

宋高宗鸚鵡

隴山鸚鵡說還鄉中貴傳宣出禁牆漠北有人歸不得思鄉
愁比隴山長

胡安

一首

安字仁夫餘姚人嘉靖甲辰進士累官苑馬寺卿有

趨庭集

秋日卽事

流螢飛復下照我獨坐時秋風不解意吹汝到前池

劉景韶

二首

景韶字子成崇陽人嘉靖甲辰進士除湖陽知縣徵授刑部主事改兵部厯郎中出爲貴州僉事進參議遷副使以右僉都御史巡撫鳳陽有燕臺秋蛩太白原稿

瓶頭洞秦子成諸篇大自俊逸
楚風補子成始爲郎聲聞七子間

湖北詩徵傳畧景韶詩步武于鱗王元美爲作序頗有微言而元音亮節自不可掩

贈謝一經

當代推韋布相逢說謝棕詞壇今得汝綵筆更凌人衝斗藏

雄劍投沙弔楚臣千尋標玉樹豈復混風塵

世宗皇帝輓章

金鼎藥成龍已化碧簪杳滿鶴空搏從今萬歲齋壇鎖不見
真人戴玉冠

張才一首

才字茂參西安衛人嘉靖甲辰進士授戶部主事歷

員外郎中出爲僉事

藝苑卮言張茂參如荒倫渡江揖讓簡畧故是中原

門第

四溟詩話子客都門雪夜同張茂參對成卿二計部酌酒談詩茂參曰賈舍人早朝詩及諸公和者可能定其次第否予曰成卿世之宗匠盍先定之成卿曰杜其一也王其二也岑其三也賈其四也予曰予所論詎敢相反顧之倒之則伯仲叔季定矣賈則氣渾古岑則詞麗格雄王杜三作各有短長其次第猶

是一輩行或有擬之者難與爲倫茂參曰使諸公有

知許誰爲同調耶

靜志居詩話元美評茂參詩比之荒俗渡江茂參之

言曰自六義較講而詩教寢衰五傳異觀而文體漸

裂今昔殆不相及矣務粗者氣鬱而不伸樂易者神

渙而弗耀侈博者意累而靡潔至或思不迺圓而極

貌摹倣識未周洽而委心剽效支戾勿經駿駿可厭

篇帙雖富豈足稱哉其意亦似不滿於歷下瑤鄉二

子度其集必有可觀而惜其罕傳里有姚叟澠曾問

牧齋宗伯茂參何名牧齋不能答則其論詩之旨聞

之者益鮮矣

過鄴訪謝茂泰

十年作賦共京華一別關山道路賒謝朓詩名驚海內張衡
宦迹滯天涯月明鄴館愁爲客雲隔秦山苦憶家知己於今
君尚在未應白首向人嗟

吳桂芳

一首

桂芳字子實新建人嘉靖甲辰進士授刑部主事改
禮部歷郎中出爲揚州知府歷浙江布政使以僉都
御史巡撫福建改鄭陽進右副都御史總理河道未
任進兵部侍郎提督兩廣軍務尋召入以病歸旋起
故官總督漕運兼理河道進工部尙書贈太子少保

滕王閣

君王歌舞地危閣敞西風夕嶂連雲碧煙江落日紅高文存
大雅麗藻見天工檻外孤霞起爭誇賦筆雄

劉鳳

一首

鳳字子威長洲人嘉靖甲辰進士除推官徵授監察
御史左遷興化推官遷河南僉事有潛思集十六卷

太霞集

明詩選陳臥子曰子威厚深雅曠不僅涉顏謝之藻但意存獨造頗傷冗仄耳豈遺出宗梁下而元美比

之檜後恐乖允允

列朝詩集子威博覽羣籍苦心鉤索著騷賦古文數

十萬言觀者驚其繁富憚其奧僻相與駭掉懃咤望洋而歎以爲古之振奇人也嘗試爲之解駁疏通一再尋繹肌勞理解已而索然不見其所有矣余嘗得

子威所誦讀遺書觀其丹鉛考索大概於篇中擷句於句中擷字自一字至數字而止如唐人所謂碎金

薈蕞者耳其有所撰述也累僻字而成句字稍夷更

刺刺僻字以蓋之累與句而成篇句稍順更摭與句以

竇之而字之有訓故句之有點讀篇之有段落固莊

如也餕何堆積晦昧詰屈求如近代之江左爰李滄

溟且不可得而況於古人乎韓子曰降而不能乃剽

賊子威其剽賊之最下者歟江左脞談劉侍御子威好爲詰屈聱牙之文吳人推

服之無敢後卜士袁景休每向人抉摘其字句鉤棘

文義紕穆者以爲姍笑子威聞之怒訴於邑尉掘而

笞之尉數之曰若敢復姍笑劉侍御文章耶景休仰

而對曰民甯再受笞數十終不能改口齋舌委訣器

侍御也
靜志居詩話子威詩駿績纂組節簡俱斷俾讀者茫然如墮雲霧中

擬謝石壁精室還湖中

山川異景氣昏旦生煙雲煙雲亦多姿映蔚杳不分稅駕始
山麓舉棹發湖瀆巖陰尙含靄谷口欲微曛盡擁洲島趣披
薄沚藻文澄光挹潛潛撫化情欣欣起陵踰世表高揖謝人
羣窩賞非至理信已無紛紜

余文獻

一首

文獻字伯初德化人嘉靖甲辰進士除兵部主事歷
員外郎中出爲浙江參政有九匯集

廬山歌贈何吉陽

匡廬山頭白玉臺丹砂瑤草錦屏開海門西望孤飛鶴邇爾
謫仙天上來

任環一首

環字應乾長治人嘉靖甲辰進士除廣平知縣改沙

河滑縣遷蘇州同知擢僉事進山東參政贈光祿卿

有山海漫談三卷

顧志居詩話倭人入犯任公大小數十戰功最多詩
特其奇興然亦明淨

金山九日

佳節逢重九孤蹤寄天涯自憐猶墨縗多病已黃花欲問南
來雁那堪靜夜笳更深眠不得移枕聽曉鴉

劉爾牧一首

爾牧字長民一字成卿東平人嘉靖甲辰進士授戶部主事歷員外郎中以言事忤嚴世蕃廷杖削籍有堯麓集

妾薄命

自憐妾命薄敢怨主恩移
此苦非日能忘歡樂時秋風難再熱
落葉不勝悲獨有高樓月流光與恨隨

徐文通

一首

文通字汝思永康人嘉靖甲辰進士授刑部主事歷員外郎中出爲山東參議遷副使有徐汝思詩集

藝苑卮言徐汝思如調鷹兒擊鶩故難獲解弇州山人稿汝思詩如登俗塾門汎海諸篇漁濱平有古遺響焉

金華詩錄汝思七律是王李社中語

送俞憲使之湖省

紫省多年並海濱駢駢何處動征輪楚天舊識乘鶴客湘水
重逢作賦人雲外帝星雙闕曉樽前黃鵠十洲春暉知別後
能相憶爲向襄陽覓隱淪

王宗沐

一首

宗沐字新甫臨海人嘉靖甲辰進士授刑部主事厯
員外郎中出爲江西副使累遷山西布政使改廣西
山東以右副都御史總督漕運兼巡撫鳳陽遷南刑
部侍郎召改工部再改刑部贈尙書天啟初追謚襄
裕有敬所文集三十卷

列朝詩集新甫在比部時王元美所謂與同舍郎王
新甫吳峻伯袁履善進余於社者也元美詩評云新

甫齒最卑最擅曹中稱自謂得初唐未易許也

寄李一吾在告

蚤歲相期共挂冠俄傳疾足竟爭先十年名在甯俱隱萬里
身輕始自全如縷茶煙依竹試半痕紋簾傍花眠馳驅祇恐
雄心在對酒休歌伏櫪篇

江珍

一首

珍字民璞歙人嘉靖甲辰進士除高安知縣徵授禮
部主事遷南兵部郎中出知廣信府厯江西副使浙
江參政按察使雲南布政使改貴州有華委堂集

卽事

東南生事近全稀況復頻驚羽檄飛不惜千金募壯士誰能

一箭解重圍側身天地徒揮淚回首江鄉何處歸推轂喜逢
新節制早銷烽火答垂衣

蔣孝

一首

孝字維忠武進士嘉靖甲辰進士官戶部主事

國雅戶部才情綺麗頗任俠氣早歲罷官放浪自適築山穿池每臨賞輒酣暢忘返

送顧九華還江東

對君賦碧草送君靈山東白馬盤雕鞍轔轔嘶長風路旁柳
枝綠堪折下馬當筵贈離別後夜與君相憶時不獨江南有

明月

汪一中

一首

一中字正叔歙人嘉靖甲辰進士授工部主事厯員

外郎中出爲江西副使閩廣寇至戰死贈光祿卿謚

忠愍有南華山房集

潞河追送吳明卿

暗柳迷征路飛花滿去津潞橋分野色幽獨正愁人湖海多遷客乾坤有戰塵試看今日事何處不傷神

姜良翰

一首

良翰字希申金華人嘉靖甲辰進士授南大理評事擢禮科給事中出爲廣東參議改山東進福建按察使遷廣東布政使有詩文集二十卷

過釣臺

何來一片雲覆此雙釣石不見垂竿人空潭映秋碧

馮熊一首

熊字伯祥金華人嘉靖甲辰進士授工部主事出爲廣州知府

無題

披衣臥明月潛聽江南弄未會美人心和衣不成夢

馬繼龍

十一首

繼龍字雲卿保山人嘉靖丙午舉人官南兵部員外
有梅樵集

滇南詩畧梅樵五律清穩七律風流跌宕一往情深
田按梅樵詩流傳僅有鈔本五七言近體聲調流美
有彈丸脫手之妙保山袁文典輯滇南詩畧六詔詩
流賴之以傳雲卿其一也

入蜀

卷之二

出處天難定行藏自不知忽驚身是客已覺鬢成絲霜夜征
鴻遠秋風瘦馬遲宦情休說冷山水是襟期

昭烈祠

隱隱城南樹荒臺何代邱三分當未遇一綫繫炎劉古壁苔
空綠寒溪水自流摩碑嗟往事風雨併生愁

草堂漫興

老去羞彈劍貧來學種蔬草堂三徑菊茅屋一床書只此浮
生足從前世味疏肯因升斗計猶自費躊躇

瀾滄江懷古

孤江鐵索跨長虹鳥道從天一縫通樹鸞龍來陵谷雨山空
猿嘯石樓風百蠻南詔襟喉地萬木荒祠鼓角中象馬年來

歸貢賦土人猶說武侯功

雨中憶梁大峨

大江東望水雲浮幾度懷人獨倚樓老去功名成畫餅向來
天地一虛舟鏡中華髮添新恨夢裏青山憶舊遊鴻雁忽來
秋正杪錦官風雨滿汀洲

懷兄弟

楊柳津頭別雁羣殊方音信隔年聞客邊久病愁聽雨江上
思家獨看雲香到籬花秋欲暮夢回池草夜初分故鄉歸去
知何日同醉花前向夕曛

次韻答梁大峨

桃花開盡桃花香十里城南處土莊煙樹萬重開島嶼水雲

一派見瀟湘園遮紫筍爲籬落地長黃精作稻糧睡起嘗騰
無別事看山日日到斜陽

雨中漫述

芙蓉城上雨霏霏獨酒清吟獨掩扉澤國水寒雲不散江天
風急雁孤飛十年彈鋏無人識千里思鄉有夢歸世味從來
渾嚙蠶生涯還憶故山薇

再寄邵纓泉用玉洲韻

五華城外有傾池一託萍蹤住幾時潮落海門秋瑟瑟夢迴
江上草離離百年憂國常看劍千里懷人獨賦詩木脫霜飛
寒又至山中猿鶴怨歸遲

用韻自述

看花猶記少年時轉眼而今兩鬢絲負郭無田惟有債杜門
少事卻多詩水亭帶雨移新竹藥圃鋤雲種紫芝冷暖不須
悲世態絕交久已謝相知

夏日喜晴

北窗睡起獨登樓碧樹含煙宿雨收高柳蟬聲初入夏澄江
風色似深秋青山流影侵書案白鷺分飛狎釣舟莫道故園
歸未得平蕪一望卽滄洲

梁柱臣

一首

柱臣字彥國廣州順德人嘉靖丙午舉人官刑部員
外有集

京邸訪歐楨伯

春來聞爾客長安
尺素空傳欲見難
此日風塵欣把袂
明時詞賦獨登壇
吟邊景物年華暮
戰後河山暝色寒
官拙自傷寥落久
故人猶爲罄交歡

明詩紀事

貴陽陳田輯

已錄

張居正

六首

居正字叔大江陵人嘉靖丁未進士改庶吉士授翰林院編修遷右中允領國子司業事改侍裕邸講讀歷右諭德侍講學士領院事遷禮部侍郎改吏部兼東閣大學士參預機務進禮部尙書兼武英殿大學士加少保柱國兼太子太保太子太傅改吏部進建極殿大學士加少師兼太子太師特進中極殿大學士左柱國加太傅太師贈上柱國謚文忠尋奪上柱

國太師再奪謚削秩籍其家天啟初詔復故官有太
岳先生集六十四卷

穀城山館文集江陵殫精畢智勤勞於國家陰禍深
機結怨於上下當其柄政與朝爭頌其功而不敢言
其過今日既敗舉朝爭索其罪而不敢言其功皆非
情實也

馬元成選集江陵在事振綱肅紀修內攘外使天下
晏然如覆孟不可謂無功其苞苴餽遺多却而少受
不可謂贓貨惟是好攬權而喜附已則於賢者若擲
沙遺蒲而莫之恤於佞者若嗜醴悅猶而莫之厭故
一時舉措多拂人意又其交內豎以固位進珍玩以
希寵甚非大臣之道至於奪情拒諫鼎甲其子而名
行大隣人心大失矣

田按江陵作楊襄毅墓誌云公在本兵久徧厯諸鎮
躬履戎行練習邊事余每從公問今中國所以制禦
夷狄之策及九塞險易將士能否如指諸掌故余在
政府措畫邊事蓋得之公爲多又云一日之內神遊
九塞者再三率臣不如此安能禦外侮其九塞稱臣
詩云幕南秋色靜王庭月滿邊關夜不局眞稱心語

恭題文皇帝四駿圖

龍駒 鄭村塘大戰胸著一箭都指揮丑丑拔箭

天馬從冀飛龍跡削玉耳垂筒碧月懸雙頰明星貫兩瞳文
皇將士盡龍虎復有龍駒助神武流矢當胸戰不休汗溝血
點桃花雨塘上摧鋒第一功策勳何必減元戎君不見虎士
標題麟閣裏龍駒亦入畫圖中

赤兔 白溝河大戰胸著一箭都指揮亞失帖木拔
箭

雷鎗鎗北軍來赤兔走黃雲開攢身超夾澗策足絕浮埃白
溝原頭振鼙鼓貫陳穿營猛如虎穆王八駿詎爲奇昭陵六
馬應難數百戰間聞未解鞍箭瘢還向畫圖看只今四海昇

平曰誰識當年織造難

棗驅 小河大戰著兩節胸一箭後右曲池一箭安順候脫火赤拔箭

紫驅馬金駱月朝刷燕肺秣越倅儻權奇超驥走滅沒當年
萬馬盡騰空就中紫驅尤最雄戰罷不知身著箭飛來祇覺
足生風北風猶獵吹原野長河冰澌血流赭誰言百萬倒戈
中猶有彎弧射鈞者

黃馬 靈璧縣大戰後右曲池著一箭指揮鶻兒拔箭

軒后興應龍翔鶻天駟乘飛黃迴頭看紫鸞顧影失超光君
王神武古來少萬里煙塵一劍掃馬蹏蹏處山爲摧何論陳

暉與平保揚鞭渡淮水清金陵父老壘漿迎從此華陽休
駿足山河重整泰階平

筆塵萬厯丙子上於禁中檢得成祖四駿圖以賜相君四駿者成祖用兵所乘也相君爲題詠奏之上悅賜金田按四駿圖詩見太岳集穀山筆塵所云相君題詠奏之卽指此四詩竹垞詩綜誤屬之王文端余檢文端集亦無此詩

山司徒

巨源江海情本欲全高尙瀟灑秉樞軸疇能測弘量密識旣
淵沈清心亦玉亮談笑獎人倫千齡稱哲匠

孝恪皇太后遷祔輓歌

毓聖恩無極遊仙夢不歸載逢玄隧改重念紫宮遙帳殷松
陰合鈴歌薤露晞永陵原上月今夕見重暉

周思兼

一首

思兼字叔夜松江華亭人嘉靖丁未進士除平度知
州徵授工部員外郎中出爲湖廣僉事以憂歸起
廣西副使未赴卒有叔夜集十一卷

田按叔夜文筆矯健詩乃平行亦才有短長耳

馮鍾山移居天馬山

問君何事耽邱園數畝清陰花竹繁片帆來往浦雲溼孤嶼
微茫江月翻春深幾時共攜酒山靜有人頻叩關林泉風物
總堪隱豈與朝市爭喧喧

王樵

一首

樵字明逸金壇人嘉靖丁未進士授行人遷刑部員

外出爲山東僉事以疾歸起浙江僉事擢尚寶卿改

南鴻臚卿尋頽歸再起南太僕少卿厯光祿卿大理

卿刑部侍郎進右都御史贈太子少保謚恭簡有方

麓居士集十一卷

四庫總目推詩冲和恬澹不失雅音

靜志居詩話方麓研心著書詩特游藝然清婉軼倫

江夏沌口

夕陽高柳數家叢草汀煙百里蒼然平楚蕭疏時見大江渺

瀨

殷士儋二首

士儋字正甫厯城人嘉靖丁未進士選庶吉士授檢討充裕王講官厯右贊善洗馬侍讀學士掌翰林院

事進禮部侍郎改吏部拜禮部尙書加太子太保兼

文淵閣大學士入閣辦事進少保武英殿大學士贈

太保謚文通改文莊有金輿山房集十四卷

野獲編殷厯城罷相在里張江陵以宋詩爲對聯寄之日山中宰相無官府天上神仙有子孫蓋諱與嘲各半

月夜同于麟茂秦集伯承宅話遊西山

同有秋山期塵囉負奇絕因君話碧雲爲我歌白雪煙蘿憶
幽深霜月對高潔便欲乘風遊禪關叩真訣

樂孔原之溧水

祖席秋風晚芳洲白露零銅章秦茂宰綠鬢漢明經弭棹寒
依浦移帆曉帶星潮聲揚于渡王氣蔣山靈蘿月當琴館棠

陰蔭訟庭別來幽思切春草望中青

林煙

一首

煙字貞恆閩人尙書庭機子嘉靖丁未進士改庶吉士授檢討歷修撰洗馬國子祭酒太常卿擢禮部侍郎改吏部又改南吏部就遷工部尙書改禮部贈太子少保謚文恪有集二十二卷

東南嶠外詩話何鏡山閩書錄文恪閩中三公詩一
爲開府張公岳一爲太宰李公默一爲司馬張公經
也詩云開府元凱倫特達廟廊器代工感熙明濟世
懷深志直道諒難容險阻方厯試長驅百萬師深入
不毛地鬼方難已夷魏闕戀空稽霧雨晦遐陬前軍
大星墜青編勳業崇赤縣經綸秘千載峴山碑行道
空垂淚太宰風塵表盛名自弱冠揮塵吐清言登壇
弄柔翰振羽覽德輝高舉凌霄漢旣懷人倫識復負
經世幹蛾眉不見容貝錦紛爲患懷涼染獄書惻愴
東門歎精忠諒若存耿耿南箕煥司馬文武才磊落

萬夫望平生，覽穰苴。笑談在帷帳，雲擾亂江東。據鞍一何壯，未寒息壤盟。已速中山謗，哀哉誰爲明。功高不相讓，鶴唳南復聞。弓藏漫惆悵，千秋麟閣勳。終記青冥上三詩，質實典重足當詩史。

田按文恪家世以科名鼎貴，留心著述，嘗軒福州府志三十六卷。官禮部侍郎時，上備邊七策，慨然有封狼居胥意。其厯舉一時邊將，如梁震、食而智於划營揚照，傲而勇於赴敵，周尙文、熲，罵而仁於撫士，評騰各當史第。云寇犯邊條上七事，而不詳其語，予特著之。

榮淑康如挽歌

陸光祖

一首

金屋恩方盛，瑤池宴未終。忽驚鸞掩照，竟逐鳳乘空。韻樹凝煙籞，宮花泣露霞。覽旌千騎送，悽惻九原中。

光祖字與緜，平湖人。嘉靖丁未進士，除知濬縣。遷南禮部主事，改北進郎中，改吏部遷太常少卿。以事落

職起南太僕少卿未上擢本寺卿就進大理卿尋改
北遷工部侍郎引疾歸起南兵部侍郎召改北吏部
出爲南兵部尙書再引疾去起南刑部尙書就改吏
部入爲刑部尙書改吏部贈太子太保謚莊簡

彭城

宰木蕭蕭起暮風君王不復渡江東舞衣滿地生新草過客
沿溪問舊宮垓下一朝驅不逝咸陽三月火徒紅英雄轉鬥
無完策四面悲歌入帳中

田按莊簡彭城詩詩綜作金陵懷古今正其誤

宋儀望

一首

儀望字望之吉安永豐人嘉靖丁未進士除知吳縣

徵授御史擢大理丞以忤嚴嵩旨貶夷陵判官嵩敗
擢霸州兵備僉事進大名副使改福建左遷四川僉
事累遷大理少卿以右僉都御史巡撫應天進右副
都御史就遷南大理卿改北有華陽館集二十六卷
滕王閣

滕閣崔嵬江上開青春獨坐思徘徊自憐老子興不淺無那
美人期未來檐駐彩雲歌舞散汀迷芳草綺羅灰登臨無限
凭闌意日暮城頭畫角哀

甘茹

二首

茹字征甫富順人嘉靖丁未進士除御史累遷山東
按察副使有己癸草入秦草歸田草拔茅山人草等

集

張桓侯廟

旅泊雲安縣重瞻漢將祠風雲生叱咤日月照鬢眉故里眞
王盡空山杜宇悲一編存帝紀魂斷隕星時

游李符卿西園

坐對青山暮歌聽白芷長池亭無六月高樹領新涼

楊繼盛一首

繼盛字仲芳容城人嘉靖丁未進士除南吏部主事
入爲兵部員外郎坐論馬市貶狄道典史稍遷諸城
知縣徵授南戶部主事入爲戶部員外改兵部疏劾
嚴嵩論死贈太常少卿謚忠愍有集四卷

弇州四部豪楊公繼盛臨當赴義出所著年譜授其
子應尾曰後十年可開也復爲詩曰浩氣還太虛丹
心照萬古生前未了事留與後人補慷慨曼聲長嘯
以沒

送史涪村考績代人作

一上離亭幾度愁十年塵夢歎沈浮悠悠月笛山城夕漠漠
寒雲江樹秋作客南來俱萬里送君北去自孤舟他鄉正有
思歸興况復征旌出石頭

彭輅

一首

輅字子殷嘉興人嘉靖丁未進士除江西布政司照
磨遷新淦知縣左遷應天儒學教授進國子監博士
南刑部主事有比部集八卷

四庫總目焦竑稱輅於七子盛時意氣高簡不少貶以
就俗今觀集中多與王世貞酬答之作體格亦近七

子竑所言不盡然也

構李詩槩子殷詩工選體五七言律漫淫唐人風致
靜志居詩話先生早慧於詩文不甚敦琢其持論取
法中唐謂神在象外象在言外言在意外然率矢口
肆筆而成頗類解大紳卞華伯一流昔人所以有才
多之感也

追憶孫太初

生平落魄是潛夫袖有煙林五嶽圖海上碧雲看不斷墓前
明月意同孤葛翁去住餘丹竈阮籍浮沈只酒壚間爾吟魂
春雨外時應飛鶴過西湖

章造

一首

适字景南蘭谿人嘉靖丁未進士除行人擢禮科給

事中有道峯集六卷

四庫總目适詩頗娟雅而醞釀不深
金華詩錄景南五古步趨陶韋得其韻趣

雜題

合沓溪上山白雲何時休滄波杳然去碧樹含清幽溪亭閒無人獨往誰爲儔坐惜年歲晚終隨魚鳥遊

胡杰一首

杰字子文豐城人嘉靖丁未進士選庶吉士累官太常卿有劍西藁

夜坐

秋月夜窗虛幽人此索居了無塵事擾僻與世交疏倦息勞生計冥探大化初翻憐碧山客辟地苦焚魚

孫永思三首

永思字性孝蒲州人嘉靖丁未進士除行人擢浙江

道御史

冬日登王母宮

回嶺千年王母祠
禽眾壑迴仙姿
空聞青鳥來金闕
不見蟠桃進酒卮
涇水有聲天地轉
瑤池何在古今悲
穆王八駿無消息
黃竹歌殘雪滿枝

江上曲

春雨旣過行水濱
江花汀草相鮮新
牧童歌上前山去
愁殺江邊行路人

山門

山門日落望江干
雲樹微茫晵色寒
欲向東南歌一曲
鷗鷀聲裏杏花殘

陳嘉謨

一首

嘉謨字世顯廬陵人嘉靖丁未進士授廬州推官擢戶科給事中出爲四川副使引疾歸起湖廣參政不赴有念初堂長春堂山斗雲居諸集

西臺寺

修竹西臺寺前朝太守祠我來尋勝蹟事往見殘碑舊賞青
山在仙蹤白鹿隨空令人代隔懷古有餘思

田按西臺寺舊爲南唐吉州守劉竺生祠竺守郡時政暇登山習靜有二白鹿隨車此詩所謂仙蹤白鹿隨紀其事也

張元諭

一首

元諭字伯啟浦江人嘉靖丁未進士除工部主事厯

員外郎中以忤嚴嵩謫常州判官歷吉安桂林永昌
知府擢雲南副使有蓬底浮談詹詹等集

心遠亭

結亭俯人寰青山遙映帶客心遊冥冥更在青山外

程嗣功

一首

嗣功字汝懋歙人嘉靖丁未進士歷浙江參議廣東
布政使進南戶部侍郎總督糧儲

黃山

名山自古曾招隱此日歸來樞素心欲解瑤琴坐流水白龍

潭上坐松陰

鄭東白

一首

東白字叔曉莆田人嘉靖丁未進士歷官廣東僉事
獨酌有懷

不必論身世高陽一酒徒岩居甘鹿豕浪迹傲江湖華髮時
名拙青樽客病蘇木蘭三子何處問當舡

王君賞

一首

君賞字汝懋淄川人嘉靖丁未進士歷御史遷苑馬
寺少卿有抱一詩稿

舟次維揚賓亮弟以使事相值

江上波濤險尊前骨肉親山川熟宦味雞酒共離人一棹夕
陽色長歌天地春蕭蕭雙雁影何處不風塵

劉應時

二首

應時字子易洪洞人嘉靖丁未進士累官副使有中

齋集

謝四溟初相值卽以婚娶歸東山予以相見之晚輒復

睽違賦此志別

相逢燕市一悲歌別去匆匆柰爾何海內弟兄知己少天涯
兒女夢魂多金臺白雪明書劍銅雀春雲瑣辭蘿它日恩君
倍惆悵帝城東望渺煙波

孟縣值初度

寥寥客裏逢初度況復驅車天一涯民事不知還問俗君恩
未報豈言家山川舉目悲風物霜露沾衣感歲華恰喜河陽
花滿縣強移樽酒對殘霞

馬一龍

一首

一龍字負圖溧陽人嘉靖丁未進士選庶吉士厯官國子司業有遊藝集

藝苑卮言馬司業用筆本流迅而乏字源淡澹大小錯綜不可識折看亦不成章

詹氏小辨一龍法素師聖母文頗得筆法書史會要一龍作字懸腕運時落管如飛頃刻滿幅自謂懷素以後一人然評者謂其奇怪爲書法一大變明詩統司業性豪侈善草書詩亦豪雋大有時譽

送陳玉泉

白下聞君三十年碧霄黃鵠思渺然幽懷自擬陶彭澤大雅人傳李谪仙春晝南歸花似錦大江西去水如天今朝共向都門別迢遞河月滿川

章美中

一首

美中字道華吳人嘉靖丁未進士除大理評事遷左
寺副出爲江西僉事歷廣西參議遷四川副使

仲春虎邱

孤閣生殘照平臺下夕陰疏鐘不知處人影在花林古刹雲
光杳空山劍氣深依依池上月猶復照登臨

陳良珍

二首

良珍字在璞南海人嘉靖己酉舉人官永州丞有在

璞集

園中夜別友人

南園惜分襟商聲夜未歇池草澹微霜風林墮纖月殷勤盡

餘觴華舟戒明發去矣增離憂關河正修越

秋思

鶗鴂聲殘歇衆芳紛紛桐葉滿銀床門臨水國秋多雁塞入
金塘夜有霜旅館蕭條依橘柚故人迢遞隔瀟湘淨雲萬里
淹西北目斷關河幾夕陽